

Boprsta ba Borena



SABATHA MANTSIBOEA

Bakeng sa Thuto eba Bala:

1 Pet. 2:1–3; Ba-Heb. 4:12; 1 Pet. 2:4–8; Esa. 28:16; Exod. 19:3–6; 1 Pet. 2:5, 9, 10.

Temana ea Khopolo:

“Empa hae e le lōna, le moloko o khethehileng, le baprsta le Marena, le mofuta o Halalelang, le sechaba se ruiloeng, le tle bolele lithoko tsa ea le bitsitseng lefifing ho le kenya leseling la hae le hlolang” (1 Pet. 2:9).

Agoetse ka hara setso, bolumeli, le nalane, ea se-Juda Petrose o supa Bakreste bao a ba ngollang e le “sechana se halalelang, sa Molimo.” Ka ho etsa joalo, o nka puo ea selekane eo Testamente ea Khale e neng e e sebelisa ho supa Israele ea khale, ho e sebelisa mona kerekeng ea Testamente e Ncha. 'Me ha ho makatse: Balumeli ba Balichaba ho Jesu ba hokahantsoeng sechabang sa selekaneng sa Molimo. Joale ke majalefa a litšepiso tsa selekane le bona. “Ekare ha makala a thefutsoe, 'me uena u nong u le mohloare oa naheng, u hlomiloe sebakeng sa 'ona, 'me u kopantsoe le motso, u feptjoa monono oa mohloare oa hae, u se ke ua ikhohomosa ho makala a teng; hobane leha u ka ikhohomosa, ha se uena u jereng motso, empa motso ke oona o u jereng” (Ba-Rom. 11:17, 18).

Likheng tsa beke, Petrose o supa babali ba hae boikarabellong bo halalelang le pitso e halalelang eo ba nang le eona e le sechaba sa Molimo, bao (ka puo ea Paulose) ba nyalisitsoeng sefateng sa mohloare. 'Me hara boikarabello boo ke se tšoanang hantle le seo Iseraele ea mehleng e neng e na le sona—ho phatlalatsa linnete tsa pholoho e fumanoang ho Morena.

**Bala thutoena ho lokisetsa thuto ea Sabatha, 'Messa 15.*

Ho Phela Joalo ka Mokreste

1 Petrose 2:1 e qala ka “therefore,” ho bolelalng hore se latelang se tsoaloe ke se tllileng pejana. 1 Petrose 1, re bone, hore e ne e le semphete-ke-o-fete malebana le seo Kreste a se entseng bakeng sa rōna le ka moo re lokelang ho arabela kateng ho seo a re etselitseng sona. Khaolong e latelang, Petrose o nka sehloho sena le ho ea pejana ka sona.

Bala 1 Petrose 2:1–3. Petrose o re bolella eng ka moo re lokelang ho phela kateng?

Petrose o sebelisa litšoantšo tse peli tse arohaneng ho bontša hore Bakreste ba na le mosebetsi o ntlha-peli. E ’ngoe ke e fosahetseng, ka hore lintho tse ling li ea lahloa; e ’ngoe ke e nepahetseng, ka hore re lokela ho batla ho etsa letho.

Setšoantšong sa hae sa pele, Petrose o khothaletsa Bakreste hore ba nene mōna, thetso, boikaketsi, mohono, le liketselletso tsohle (1 Pet. 2:1). Ka ho etsa sena, Bakreste ba tla lokela ho itšoara ka tsela e fapaneng ho ba ba potileng. Hobane ba ne ba lahlile lonya, ba ke ke ba lakatsa ho utloisa ba bang bohloko empa, ho ena le moo, bat la batla molemo oa bona. Hobane Bakreste ba lahlile bosaoana, ba ke ba etsa letho ho thetsa empa ba tla tsitsa saleng le ho tšepahala. Bakreste ba ke ke ba monela ba nang le hona ho ba feta. Ba tla khotsofalla bophelo ba bona le ho atleha moo ba beiloeng teng. Kapa ho etsa lipolelo tse senyang seriti sa ba bang ka boomo.

Setšoantšo sa bobeli seo Petrose a se sebelisang—sa ngoana ea lakatsang lebeso (1 Pet. 2:2)—e fana ka lehlakore le letle la tao ea hae. Bophelo ba Bokreste ha se feela taba ea ho lahla lintho tse mpe. Bophelo bo joalo e ne e tla bo fela. Che, ke taba ea ho batla phepo ea semoea ka tsela e matla joalo ka ngoana ea llang a lapetse lebeso. O supa ba bali ba hae ho mohloli oa phepo eo ea semoea (sheba hape Ba-Heb. 4:12, Matt. 22:29, 2 Tim. 3:15–17), lentsoe la Molimo, Biblele. Ke lentsoeng la Molimo moo re ka holang semoeeng le boitšoarang, hobane ho lona re na le tšenolo e feletseng, ho rōna, ea Jesu Kreste. Ke ho Jesu moo re nang le boemeli bo boholo ba semelo le boleng ba Molimo o halalelang re ka ratang le ho sebeletsa.

Ke joang mehopoloe ee e amanang: ke hore, hobaneng ho batla phepo ea semoea ho tsoa lentsoeng e re thusang ho behella ka thoko liketso tse mpe le litlaelo tseo Petrose a re hlokomelisang ka tsona?

Lejoe le Phelang

Bala 1 Petrose 2:4–8 (sheba hape Esa. 28:16; Ps. 118:22; Esa. 8:14, 15). Ke 'nete efe e bohlokoa eo Petrose a buang ka eona moo? O reng ho rōna ka moo re lokelang ho etsa kateng malebana le Jesu?

Ka mora ho bolella babali ba hae ho batla phepo ea semoea, Petrose hang o lebisa maikutlo a bona ho Jesu Kreste, lejoe le phelang, hantle ka tšoantšetso ea tempele e Jerusalema. Ho 1 Petrose 2:4–8, o qotsa likha tse tharo tsa Testamente ea Khale tse tiisang bohlokoa ba lejoe la ntlha, le emelang mosebetsi oa Jesu ka kerekeng ea hae. Petrose ha mong ka ho hokahanya litemana tsena le Jesu. Jesu ka sebele u sebelisa Pesaleme 118:22 qetellong ea se seng sa litšoantšo tsa hae (Matt. 21:42). Petrose o etsa joalo ho Liketso 4:11, puong ea hae ho baetapele ba baJuda. Le Paulose o sebelisa Esaia 28:16 ho Ba-Roma 9:33.

Ntlha ea Petrose ke hore leha Jesu a ile a lahloa le ho thakhisoa, o ne a khethiloe ke Molimo hoba lejoe la ntlha la ntlo ea semoea ea Molimo. Bakreste, joale ke majoe a phelang a hahang ntlong ena ea semoea. Ka ho sebelisa setšoantšo sa lejoe la ntlha le majoe a hahang, Petrose o tlisa setšoantšo sa kereke. Kereke e theiloe holima Jesu empa e entsoe ka bao ba mo latelang.

Hlokomela hore ho ba Mokreste ho bolela hore o ba karolo ea lelapa la Bokreste, kapa kereke ea le hae. Joalo ka ha setenese lokela ho hahoa holima mohaho o moholo, joalo feela, Bakreste ha ba ea biletsoa ho ba balateli ba Kreste ka bo mong ntle le ba bang. Mokreste ea sa khumameng le ho rapela le ba bang ho ntšetsa 'muso oa Molimo pele ke mohanyetsi ka mantsoe a mang. Bakreste ba kolobetsoa ho Kreste, 'me ka ho kolobetsoa ho Kreste, ba kolobetsoa kerekeng ea hae.

Petrose hape o bua ka tšebetso ea kereke. Ke ho etsa “boprsta bo halalelang” (1 Pet. 2:5) bo fanang ka “sehlabelo sa semoea.” Bibeleng ea se-Heberu, baprsta ba ema lipakeng tsa Molimo le sechaba. Mantsoe a Petrose le ba bang Testamenteng e Ncha hangata ba sebelisa puo ea tempele le boprsta ho hlahisa kereke e le tempele e phelang ea Molimo le sechaba sa hae e le baprsta. O supa mokhoeng oa khumamelo oa Testamente ea khale e le ho sibolla linnete tsa ka moo Bakreste ba lokelang ho phela kateng le ho itšoara kajeno.

Bala 1 Petrose 2:5 hape. Ho bolelang ho “hlahisa mahlabelo a moea”? Ke joang Bakreste, e le karolo ea lelapa la thapelo ba etsang hoo?

Sechaba sa Molimo sa Selekane

Petrose o ngola haholo ka pono ea Testamente ea Khale. 'Me khubung ea pono ena ke taba ea selekane, sehlooho seo e leng khubu thutong ea majuda le Bakreste. Selekane ke eng? “Selekane” (Ka se-Heberu, berit) ke lentsoe le hlalolang moeli kapa tumellano lipakeng tsa batho ba babeli. Se ka etsoa ke batho ka bo mong (mohlala, Labane le Jakobo ho Genese 31:44) kapa marena a mabeli (mohlala, Solomone le Hiram ho 1 Marena 5:12, moo berit e tolokoang e le “league” ho KJV, le “treaty” ho NRSV). Se ka etsoa hape lipakeng tsa morena le sechaba sa hae, joalo ka Davida le baholo ba Israele (2 Sam. 5:3). Se hlaheletseng ka mehetla hara tsona ke se khethehileng se teng lipakeng tsa Molimo le sechaba sa hae se khethehileng, litlohloho tsa Abrahamana.

Bala Genese 17:1–4, Exoda 2:24, Exoda 24:3–8. Litemana tsee li re bolella eng ka Selekane seo Molimo a neng a se entse le Israele?

Buka ea pele ea Bibe, Genese, e bolela ka moo Molimo a entseng selekane le Abrahamana (Gen. 15:9–21, 17:1–26). Molimo a “hopola” selekane sena ha a pholosa sechaba sa hae bokhobeng Egypeta (Exoda 2:24). Molimo a se nchafatsa nakong ea Moshe, ha a fana ka melao e leshome le melao e meng ho bana ba Israele (Exoda 19:1–24:8; haholo-holo Exod. 24:3–8). Empa litšepiso tsa selekane li ne li na le lipehelo. “Molimo o hlapanya hore ha ba ne ba ka tšepahalla ho boloka litaelo tsa hae, o ne a tla ba hlohonolofatsa leruong la bona le mosebetsing oa matsoho a bona.”—Ellen G. White, *Testimonies for the Church*, vol. 2, p. 574.

E, baporofeta ka mehla ba ne ba hlokomelisa Israele ka likotsi hose boloke molao oa Molimo, hangata ba sebelisa puo e ba hopotsang selekane. Ho entsoe khang ka nako e telele ho behelloa boporofeta ba Daniele le Tšenolo ka thoko hore, boholo ba boporofeta bo ka Bibeleng bo na le lipehelo. Ke ka moo kutlo e leng bohlokoa kateng malebana le selekane. Boporofeta ba lithlohonolofatso tsa selekane li ne li ipapisitse le kutlo molaong oa Molimo, le boporofeta ba timelo bo ne bo tobileng feela ba sa utloeng.

Ho bolela eng ho uena hoba likamanong tsa selekane le Molimo? Ke boikarabello bofe boo likamano tse tsa selekane li bo behang ho uena?

Boprsta ba Borena

Bukeng ea Exoda, khaolo ea 19, Molimo o ile a re ho Moshe: “‘Bua le ntlo ea Jakobo, u bolella bana ba Israele, u re; Le bone seo ke se entseng ho ba Egepeta, le ka moo ke le pepileng kateng, ka mapheo a ntsu, ka le tlisa ho 'na. 'Me joale ekare ha le ka fela la utloa lentsoe la ka, la boloka selekane sa ka, le tla ba letlotlo la ka la sebele har'a lichaba tse ling kaofela, etsoe lefatše lohle e le laka. Le tla ba ho 'na 'muso oa baprista, le sechaba se khethehileng’” (Exoda 19:3–6). Ke ona molaetsa oa evangeli, o senotsoeng sekete sa lilemo pele ho sefapano: Molimo o pholosa sechaba sa hae, o ba pholosa sebeng le bokhobeng ba sona, 'me o ba laela ho rata le ho mo utloa e le sechaba se khethehileng sa selekane ka pele ho eena le ka pele ho lefatše.

Bala 1 Petrose 2:5, 9, 10 le Exoda 19:6. Petrose o bolela eng ha a bitsa Bakreste “baprista le marena” le “mofuta o halalelang” (1 Pet. 2:9? Puo ee e reng ho rōna re le Bakreste ba Baleti (Masala) ka boikarabello ba rōna?

“Ntlo ea Moea,” “moloko o khethehileng,” “boprsta ba borena,” le “sechaba sa Molimo” ke mantsoe a tlhompheo ao ka Bibeleng a hlalosang likamano tse khethehileng tseo Molimo a nang le tsona le litloholo tsa Abrahamana. Joale, moeelong oa Testamente e Ncha nakong ea Jesu le sefapano, Petrose o sebelisa puo e tsoanang ea selekane ho supa litho tsa kereke. Litšepiso tsa selekane tse etselitsoeng Israele, joale li pharalalitsoe ho kenyeletsa e seng bajuda feela ba lumelang ho Jesu empa le balumelo ba Balichaba, le bona. E, ka Jesu, Balichaba, le bona, ba ka ipitsa bana ba Abrahamana. “‘Me ha le le ba Kreste, ke moo le leng leloko la Abrahamana, le majalefa ka pallo” (Ba-Gal. 3:29). Ka Kreste, mang le mang, ho tsotellehe horn a o tsoetsoe joang, e ka ba karolo ea “boprsta ba borena.”

Sechaba se Halalelang? Boprsta ba borena? Ha li sebelisoa ho supa rōna, lipolelo tse kang tse li bolelang malebana le mofuta oa maphelo ao re a phelang, bobeli ka bo mong leha re le lelapa? Ke joang re ka phelang ho latela pitso e kholo ee?

Ho Phatlalatsa Lithoriso

Ho tšoana ha Testamente ea Khale ha hoa ka ha fella feela ka pholoho le pitso ea rōna le ho khethoa ke Molimo. Potso ke hore, ho bitsoa le ho khethoa, molemong oa eng? Petrose hang o fana ka karabo. Petrose o supa hore likamano tsena tse khethehileng li na le sepheo. Bakreste ba lokela ba “bolele lithoko tsa ea le bitsitseng lefifing ho le kenya leseling la hae le hlollang” (1 Pet. 2:9). Sena ke seo Israele ea mehleng e neng e lokela ho se etsa. Molimo o ba bilelitse ho ba lipaki tsa hae lefatšeng. Sepheo sa Molimo e ne e le ho hlohonolofatsa lefatše lohle ka Israele ea mehleng, sechaba sa hae sa selekane.

Bala litemana tse latelang. **Ke ntlha efe e le 'ngoe eo li nang le eona e tšoanang? Deut. 4:6; 26:18, 19; Esa. 60:1–3; Sak. 8:23.**

Israele oa mehleng, e le sechaba sa selekane, ba ne ba na le thomo eo ba neng ba lokela ho fihlela lefatše ka evangeli, pholoho e fanoang ke Morena. Bakreste ba na le thomo e tšoanang ea leholimo. Ba bilelitsoe ho arolelana le ba bang maiphihlelo a bona le tsebo ea Molimo le seo se etselitseng lefatše ka Krete.

Bala 1 Petrose 2:10. **Hobaneng temana ee e le khubu thomong eohle le sepheong sa Bakreste?**

Lefatše le qoetseng sebeng, le lefung, le timelong e mpe e tlang. Empa Jesu o fane ka bophelo ba hae ho boloka bohle tšenyong ena. Joalo ka Israele oa khale, lipolelo tsa tlotlo hape ke lipolelo tsa boikarabello. Bakreste ba na le maiphihlelo a phahameng ka ho fetisisa: a hoba sechaba sa Molimo. Empa sena se tlisa boikarabello ba ho memela ba bang hoba karolo ea pitso ena e phahameng. Joalo ka ha 1 Petrose 2:10 e bolela, Bakreste joale ba etsa sechaba sa bona. Pele e ne e se sechaba, empa joale ba fumane mohau oa ho ba sechaba se Halalelalng (sheba Hosea 1, 2). Ka Bibeleng, “khalalelo” hangata e na le moelelo oa ho behelloa ka thoko ka sepheo sa khumamelo. Ka hona, joalo ka sechaba se “halalelang”, Bakreste ba lokela ho khetholoha ho lefatše, phapang e ka bonoang mofuteng oa maphelo oo ba o phelang. Hape ba lokela ho ba joalo ka mollo serameng sa bosiu, o tla hulela ba bang mofuthung oa teng. Bakreste ba fuoe tšebetso ea ho arolelana le ba bang pholoho e hlollang eo ba leng karolo ea eona.

Ho Ithuta Haholoanyane:

“Kereke e bohlokoa haholo mangolong a Molimo. Ooa e rata, eseng bakeng sa melemo e tsoang hosele, empa ele bakeng sa se etsang hore e khethollohe ho lefatše. O e lekantse holima kholo ea botho tsebong ea Kreste, le tsoelopele ea bona maiphihlelong a semoea. “Kreste o lapetse ho fumana serapeng sa hae litholoana tsa khalalelo le ho hloka boikhohomoso. O batla metho ea lerato le molemo. Ha se botle bohle ba bonono bo ka bapisoang le botle ba ho laola khalefo le semelo tse lokelang ho senoloa ho bao e leng baemeli ba Kreste. Ke tikoloho ea mohau e likalikelitseng moeaoa molumeli, Moea o Halalelang o sebetsang holoma pelo le kelello, o etsang hore e be ba bolokang bophelo ho isa bophelong, le ho lumella Molimo ho hlohonolofatsa mosebetsi oa hae.”—Ellen, G. White, *Christ’s Object Lessons*, p. 298.

Lipotso tsa ho Qoqoa:

1. Ho joang ho bitsoa lefifing ho tla “leseling la hae le hlolang?”. Seo se bolela eng? Haeba o ne oka hlalosa mohopolo oo ho motho e mong ea sa lumelang ho Jesu, u ne u tla re’ng? Lefifi ke eng? Leseli ke eng? ‘Me phapang ke efe lipakeng moeelong oo Petrose a buang ka oona?
2. “Bonang, ke le rutille melao le litaelo, kamoo Jehova, Molimo oa ka, a ntaetseng kateng, hore le tle le etse ka tsona lefatšeng leo le eang ho le rua. Li bolokeng, le etse ka tsona; hobane ke tsona tsee e ba bohlae ba lōna, le kelello ea lōna pel’a lichaba tse tlang ho utloa melao ena kaofela; li tla re: “Chaba seno se seholo, ruri ke sechaba se hlalefileng, se nang le kelello.” Hobane ke sefe sechaba se seholo seo melimo ea sona e leng haufi lesona, joalo ka ha Jehova, Molimo oa rōna, a le haufi le rōna ka mehla ha re mo bitsa? Ke sefe sechaba se seholo se nang le melao le litaelo tsev lokileng joalo ka molao ona oohle oo ke o beang pel’a lōna kajeno?” (Deut. 4:5–8). Ke ka litsela life mantsoe ae a supang le rōna re le Masala a Baletile seo re bilelitsoeng ho se etsa ka lebaka la sohle seo re se filoeng?
3. Bala 1 Petrose 2:3. Petrose o bolela eng ha a re, “ha le fela le setse le latsoitse molemo oa Morena?” ke joang o “latsoitseng” mohau/molemo oa hae?
4. Sheba kereke ea hao ea lehae. Ke eng ka kereke ea hao, haeba se teng, se etsang hore eona le lōna le le litho tsa eona se hohelang ho bao ba sa tsebeng letho ka Masala a Baletikapa seo re se lumelang?

